

" মিষ্টি - বাচ্চারা - তোমাদের দুঃখের দিন শেষ হয়েছে, এখন তোমাদের নতুন দুনিয়ায় যেতে হবে, তাই তোমাদের জীবনে ঘটে যাওয়া সমস্ত পুরোনো ঘটনাকে ভুলে যাও । "

প্রশ্ন :- তোমাদের কর্মযোগী বাচ্চাদের কোন্ অভ্যাস নিরন্তর করা উচিত ?

উত্তর :- যখনই শরীর নির্বাহের প্রয়োজন হবে তখনই দেহে অবতরিত হও , আবার জাগতিক কর্তব্য সমাধা হলে দেহী অভিমানী স্থিতিতে স্থিত হও । দেহের স্মৃতি ছাড়া তো কোনো কর্মই করা যাবে না, তাই কর্ম করার জন্য দেহ - অভিমানী হও, আবার কর্ম শেষ হলে ততক্ষণাতঃ দেহী-অভিমানীর স্থিতিবস্থায় ফিরে যাও । এই অভ্যাস তোমরা বাচ্চারা ছাড়া এই দুনিয়াতে কেউই করতে পারবে না ।

গীতসজনীরা এবার জাগো

ওম্ শান্তি । রুহানি বাবা বলছেনমিষ্টি - মিষ্টি আত্মারা , বাচ্চারা , এই গান শুনেছে । এই গান হলো জ্ঞানের গান । এই গানতো খুবই সুন্দর । তোমরা আত্মারা এখন জাগ্রত হয়েছে । এই বিশ্ব নাটকের রহস্যকেও তোমরা এখন জেনে গেছ । ভক্তি মার্গের মজা তো তোমরা দেখেই নিয়েছ । যা কিছু ভক্তিমার্গে ঘটে গেছে সবই এখন তোমাদের বুদ্ধিতে পরিষ্কার হয়ে গেছে । তোমরা এখন তোমাদের ৮৪ জন্মের ইতিহাস জেনেছ । বাবা তোমাদের ৮৪ জন্মের ইতিহাস জানিয়েছেন । নতুন দুনিয়ার জন্য এ সবই নতুন কথা । বাবার কাছেই তোমরা এই নতুন কথা শুনেছ । শিববাবা তোমাদের বাচ্চাদের ধৈর্য্য ধরতে বলেন । তিনি বলেনবাচ্চারা, এখন নতুন দুনিয়াতে যেতে গেলে পুরোনো সমস্ত কথা ভুলে যাও । ভক্তিমার্গের যে সমস্ত বেদ শাস্ত্র, পুরান ইত্যাদি আছে, এই সকলই একদিন শেষ হয়ে যাবে । নতুন দুনিয়ায় ভক্তিমার্গের কোনো চিহ্নই থাকবে না । ওখানে তো ভক্তির প্রারম্ভ ভোগ করে । বাবা এসেই ভক্তদের এই ফল প্রদান করেন । বাচ্চারা এখন জেনেছে যে বাবা কেমনভাবে ভক্তদের ভক্তির ফল দেন, ভক্তিমার্গে যে যতো বেশী ভক্তি করেছে, সে ফলও ততো ভালো পেয়েছে । জ্ঞানের পুরুষার্থও সে বেশী করে । তোমরা জানো যে তোমরা আত্মারা অনেক বেশী ভক্তি করেছিলে । যারা বেশী ভক্তি করেছে তারাই জ্ঞানের পথে তীব্র গতিতে এগিয়ে যায় এবং লক্ষ্মী নারায়ণের মতো উঁচু পদ পায় । এখন তোমরা পুরুষার্থ করছ জ্ঞান আর যোগের দ্বারা । সময় অনুসারে তোমাদের দেহ-অভিমানী আর দেহী-অভিমানী দুই-ই হতে হবে । সমস্ত কর্ম করাকালীন এক শিববাবাকেই স্মরণ করতে হবে । দেহ ছাড়া তোমরা তো কোনো কর্মই করতে পারবে না । এই কথা তো ঠিক যে বাবাকে স্মরণ করতেই হবে, কিন্তু নিজেকে আত্মা মনে করে দেহকে সম্পূর্ণ ভুলে গেলে তাহলে হবে না কারণ এই দেহের সাহায্যেই কর্ম করতে হবে । বাবার স্মরণ করলে তোমরা অনেক আনন্দ পাবে । উঠতে, বসতে, চলতে, ফিরতে যেমন বাবাকে স্মরণ করতে হবে ঠিক তেমনই শরীর নির্বাহের জন্য খাদ্যও গ্রহন করতে হবে । আবার তোমাদের দেহী অভিমানী স্থিতিতেও থাকতে হবে । তোমরা বাচ্চারা ছাড়া এখন দেহী - অভিমানী স্থিতিতে কেউই নেই । দুনিয়ার মানুষ যদিও বা নিজেদের আত্মা ভাবে কিন্তু পরমাত্মার পরিচয় কেউই জানে না । যদিও বা তারা বোঝে যে আমরা আত্মা, আমরা অবিনাশী কিন্তু আমাদের এই শরীর বিনাশী , তবুও এইটুকু বুঝলেও কোনো বিকর্ম বিনাশ হবে না । কথায় আছে পুণ্য আত্মা আর পতিত আত্মা । আমি আত্মা আর এই হলো

আমার শরীর এ তো খুবই সাধারণ কথা। আসল কথা হলো তোমরা বাবাকে স্মরণ করো। শরীর নির্বাহের জন্য তোমাদের দেহ - অভিমানে তো আসতেই হবে। এই দেহকে খাদ্যও দিতে হবে। দেহ ছাড়া তো কিছুই হবে না। প্রতি জন্মে তোমরা শরীর নির্বাহ করেই এসেছো, তাই কর্ম করতে করতে তোমাদের প্রিয়তম বাবাকে স্মরণ করতে হবে। এই প্রিয়তমকে সঠিকভাবে কেউই জানে না। এই প্রিয়তম বাবার থেকেই তোমরা বর্ষা বা সম্পত্তি পাও আর সেই বাবাকে স্মরণ করলেই তোমাদের বিকর্ম বিনাশ হয় এই কথা কেউই বোঝে না। তোমরা বাচ্চারা এখন এই নতুন কথা শুনছ। তোমরা জানো যে আমরা এখন ঘরে ফিরে যাওয়ার পথ পেয়েছি। আমরা নিজেদের ঘরে ফিরে তারপরে আবার নতুন রাজধানীতে আসব। বাবা যখন নতুন রাজধানী স্থাপন করছেন তখন তোমাদের তো ওখানে যাবার আগ্রহ অবশ্যই হচ্ছে। এখন তোমরা যে পথ পেয়েছ তা দুনিয়ার অন্য কোনও মানুষ জানেই না। যতই জপ, তপস্যা ইত্যাদি করুক ওইভাবে সন্নতি পাওয়া যায় না। এই পদ্ধতিতে এই দুনিয়া থেকে স্বর্গ রাজ্যের পবিত্র দুনিয়াতে যাওয়া সম্ভব নয়। এও তোমাদের বোঝা দরকার। শাস্ত্রে এর হিসাব লখ বছরের লিখে দিয়েছে, তাই এই বিষয়ে মানুষের বুদ্ধি কাজ করে না। তোমরা ভালোভাবে বুঝতে পারো, এতো বলতে গেলে প্রায় কালকের কথা। ভারতেই স্বর্গ রাজ্য ছিলো আর তোমরাই ছিলে আদি সনাতন দেবী দেবতা ধর্মের মানুষ। দেবী দেবতা ধর্ম খুবই সুখ প্রদানকারী। ভারতের মতো সুখ আর অন্য কোনো দেশের মানুষ পাবে না। যতই তারা চেষ্টা করুক। অন্য কোনো ধর্মের মানুষ তো স্বর্গে যেতেই পারবে না। তোমাদের মতো সুখী আর কেউই হবে না। যতোই চেষ্টা করুক। প্রচুর অর্থ খরচ করলেও স্বর্গ সুখ পাওয়া সম্ভব নয়। কারোর যদি অর্থ থাকে সে আবার সুস্বাস্থ্যের অধিকারী নাও হতে পারে। আবার কারোর সুন্দর স্বাস্থ্য থাকলেও অর্থ নাও থাকতে পারে। এ হলো দুঃখের দুনিয়া, তাই বাবা এখন বলেন যে, আত্মারা এবার জাগো.....তোমাদের এখন জ্ঞানের তৃতীয় নয়ন মিলেছে। তোমরা এখন জাগ্রত হয়েছ। তোমাদের এখন এই দুনিয়ার ইতিহাস নখদর্পণে। বাবাই হলেন এই সবকিছুর জানানহার। এর মানে এই নয় যে বাবা সবার মনের কথাই জানেন। বাবা কত বুঝিয়ে বলেন। কিন্তু কোন মানুষ কতখানি পবিত্র, বাবাকে কতখানি স্মরণ করে, বাবা তা জানেন না। বাবা কেবল এই কথাই বলেন যে, তোমরা আত্মারা তোমাদের পরমপিতা পরমাত্মা বাবাকে স্মরণ করো। এই সৃষ্টি চক্রকেও তোমাদের বুদ্ধিতে রাখতে হবে। দেহী - অভিমানী তো তোমাদের অবশ্যই হতে হবে। দেহ - অভিমানী হওয়ার কারণে আজ তোমাদের এই দুর্গতি। এখন তোমাদের কেবল বাবাকেই স্মরণ করতে হবে। গৃহস্থ জীবনে থাকলেও তোমাদের কমল ফুলের মতো পবিত্র থাকতে হবে। তোমরাই হলে স্বদর্শন চক্রধারী কারণ দেবতাদের হাতে তো শঙ্খ জাতীয় কিছুই থাকে না। এই জ্ঞান শঙ্খ তোমাদের ব্রাহ্মণদের। শিখ ধর্মের লোকেরা শঙ্খ বাজায়, তাতে অনেক জোরে শব্দ হয়। তোমরাও এখানে জ্ঞান বিতরণ করো। কিন্তু তোমাদের লাউড স্পিকারের প্রয়োজন হয় না। বড় সভাতে লাউড স্পিকার লাগে। কিন্তু তোমরা শিক্ষিকারা যখন পড়াবে তখন তোমাদের লাউড স্পিকারের কিসের প্রয়োজন। এখানে কেবল শিববাবাকে স্মরণ করতে হবে। তাহলেই তোমাদের বিকর্ম বিনাশ হবে। তোমাদের শিববাবা হলেন সর্বশক্তিমান। তোমরা লাউড স্পিকার লাগাও যাতে দূরের মানুষ শুনতে আসে। তারাও পরবর্তীকালে কাজে আসবে। তোমাদের এই কথা সবাইকে বলতে হবে যে মৃত্যু সবার শিয়রে। এখন সবার ঘরে ফিরে যাবার সময় হয়েছে। মহাভারতের যুদ্ধও সামনে রয়েছে। গীতাতেও এই কথা লেখা আছে যে মহাভারতের লড়াই হওয়ার ফলেই বিনাশ হয়েছিলো। তারপর কি হয়েছিলো? পাণ্ডবরাও মৃত্যুবরণ করেছিলো। বাবা তোমাদের বুঝিয়ে বলেন, প্রথমেই যদি বিনাশ হয়ে যায় তাহলে এই ভারত খণ্ড তো খালি হয়ে যাবে। কিন্তু ভারত তো অবিনাশী খণ্ড, তাই সম্পূর্ণ খালি হয় না কখনো। তোমরা তো

জানো যে প্রলয় কখনো হয় না । তোমাদের শিববাবা হলেন অবিনাশী, তাই তাঁর জন্মস্থানও অবিনাশী। বাচ্চারা এই ভেবে খুশীতে থাকো যে তোমাদের শিববাবা হলেন সঙ্গতিদাতা এবং সুখ শান্তির কর্তা । সকলেই যখন বাবার কাছে আসে, তারা বলে, বাবা, শান্তি চাই । আত্মাদের মনে এতো শান্তির চাহিদা হয় কেন ? কারণ শান্তিধামই হলো আত্মাদের ঘর । কার না নিজের ঘরের কথা স্মরণে আসে ? যদি বিদেশের মাটিতে কারো মৃত্যু হয় তাহলে সকলেই চায় এনাকে নিজের জন্মভূমিতে নিয়ে যাওয়া হোক । সকলে যদি জানতো যে সবার সঙ্গতিদাতা , দুঃখের মুক্তিদাতা শিববাবার জন্মভূমি এই ভারত, তাহলে তোমাদের বাবার অনেক মান হতো । তখন সবাই এক শিবকেই ফুল নিবেদন করতো । এখন তো কতজনের উপরই ফুল নিবেদন করা হয় । যিনি সকলকে সুখ শান্তি দেন তাঁর নাম ঠিকানাই হারিয়ে গেছে । যারা বাবাকে খুব ভালোভাবে জানতে পেরেছে, তাঁরাই বাবার থেকে বর্ষা বা সম্পত্তি নেবার পুরুষার্থ করবে । বাবা বলেন যে....আমার নামই হলো দুঃখহর্তা এবং সুখকর্তা । তিনি দুঃখ থেকে মুক্তি দিয়ে কি করবেন । তোমরা সবাই জানো যে শান্তিধামে সবাই শান্তিতে থাকে, আর সুখধামে সুখে । শান্তিধাম এক জায়গায় আর সুখধাম এক জায়গায় । আর এ তো হলো দুঃখধাম । এখানে এখন সকলেই দুঃখে রয়েছে । এখন তোমরা জানো যে, তোমরা কিভাবে সেই সুখের দুনিয়ায় যাও যেখানে ২১ জন্মের জন্য তোমাদের কোনো দুঃখই থাকে না । ওই দুনিয়ার নামই হলো সুখধাম । কতো মিষ্টি এই নাম । বাবা বলেন যে, তিনি তোমাদের কোনো ধরনের পরিশ্রমই করান না । কেবলমাত্র তোমরা তোমাদের বাবা আর তাঁর বর্ষা বা সম্পত্তিকে স্মরণ করো । আর নিজেকে আত্মা নিশ্চয় করো । এই জ্ঞানই এখন তোমাদের বাবা শেখাচ্ছেন । সত্যযুগে এই জ্ঞান তোমাদের-আত্মাদের থাকবে যে, আমরা আত্মা এক শরীর ত্যাগ করে দ্বিতীয় শরীর ধারণ বা দ্বিতীয় জন্মগ্রহণ করছি । এই স্থিতিকেই আত্মা - অভিমাত্রী বলা হয় । এ হলো আত্মার জ্ঞান যা আর কেউই তোমাদের দিতে পারে না । আত্মাদের, আত্মার বাবা এসেই এই জ্ঞান দেন । তিনি এই জ্ঞান প্রতি ৫০০০ বছর অন্তর এসে দেন । এই দুনিয়ার মানুষ তো ঘোর অন্ধকারে রয়েছে । তোমরা এখন জ্ঞানের আলো পেয়েছো, তাই অজ্ঞানের ঘুম থেকে জেগে উঠেছো । তোমাদের সব সজনীদের একই সাজনএক শিববাবা । বাবা বলেন যেআমি তোমাদের বাবাও, সাজনও আবার গুরুদেরও গুরু । আমি হলাম তোমাদের সুপ্রীম শিক্ষক । সর্বগুরুর সঙ্গতিদাতা আমি হলাম এক সত্গুরু । আমি বলি, বাচ্চারা, আমি তোমাদের সবার সঙ্গতি করি । গতির পরেই তোমাদের সঙ্গতি হয় । বাবা তোমাদের বুঝিয়ে বলেন যে, প্রত্যেকটি আত্মাকেই ঘরে ফিরে যেতে হবে। আত্মাই সতোপ্রধান থেকে সতো, রজ এবং তমো এই ধাপগুলি অতিক্রম করে । অনেক আত্মার খুবই অল্প পার্ট থাকে । তারা আসে আর যায় । যেমনভাবে মশারা জন্মায় আর মরে । এরা বাবার থেকে বর্ষা বা সম্পত্তি নেয় না । বাবার থেকে আত্মারা পবিত্রতা, সুখ এবং শান্তির বর্ষা বা সম্পত্তি গ্রহণ করে । নিরাকার বাবা তোমাদের আত্মাদের বুঝিয়ে বলেন । ব্রহ্মাবাবার মুখের মাধ্যমেই তিনি বাচ্চাদের বুঝিয়ে বলেন । এই পৃথিবীতে শিববাবার মন্দির কতো উঁচু বানানো হয় । সবাই তীর্থ করার জন্য কতো দূরে যায় । এতো খরচা করে কিন্তু জ্ঞান অমৃত পান করার জন্য কোনো ব্যবস্থা নেই । এই তীর্থযাত্রী দের জন্য সরকারকে কতো ব্যবস্থা করতে হয় । কতো পরিশ্রমও হয় । মানুষ এই তীর্থস্থানে ছোটো বাচ্চাদের কেমন করেই বা নিয়ে যাবে ? বাচ্চাদের কারোর কাছে রেখেই তারা যায়। সাথে করে নিয়ে যায় না । দু তিন মাসের তীর্থযাত্রা তারা করে । এখানে কিন্তু তোমরা এসে এই কথা শান্তিতে শোনো । ছোটো বাচ্চারা তো এই কথা শুনবে না । তোমরা এখানে যোগ আর জ্ঞান শেখার জন্য আসো । বাবা যখন তোমাদের এই জ্ঞানের কথা শোনান তখন কোনো আওয়াজ করা উচিত নয় । আওয়াজ হলে তোমাদের মন সেই দিকে চলে যায় । যোগ তো খুবই সহজ । তোমরা যে

কাজই করো, তোমাদের বুদ্ধির যোগ যেন বাবার সঙ্গে জুড়ে থাকে। বাবার স্মরণে থেকেই তোমাদের নিজের হাতে ভোজনও তৈরী করতে হবে। তোমরা হাতে বিভিন্ন কাজ করো, কিন্তু স্মরণ একমাত্র বাবাকেই করো। এতে তোমাদেরও কল্যাণ হবে আর বাবার স্মরণে থাকার ফলে তোমাদের হাতের তৈরী খাবারও খুব সুস্বাদু হবে। তোমরা শিববাবার থেকে এই বিশ্বের বাদশাহীর অধিকারী হও। লক্ষ্মী - নারায়ণ হওয়ার জন্যই তোমরা এখানে আসো। সবাই বলে যে তোমরা সূর্যবংশীয় রাজা হবে। তোমরা সকলেই জানো যে তোমাদের মাম্মা - বাবা এই সময় ব্রহ্মা আর সরস্বতী। এনারাই পরবর্তী জন্মে লক্ষ্মী আর নারায়ণ হবেন। আর বাকী সবাই ভবিষ্যতে কি জন্ম নেবে সেই খবর কেউ জানে না। যেমন, নেহেরু পরবর্তী জন্মে কি হবেন সেই খবরও কেউই জানে না। যদি কেউ ভাল দান ধ্যান করে তাহলে তারা ভালো বংশে জন্ম নেয় এখন তোমরা সবই জানো। এখন এনাদের নাম হলো আদিদেব ব্রহ্মা আর আদিদেবী সরস্বতী। এরাই পরবর্তীকালে স্বর্গের মালিক হবেন। এঁদের বাচ্চারাও এঁদের সাথে থাকবে। তারাও বলবে যে আমরাও স্বর্গের মালিক হবো। এ তো সব ঠিকই হয়ে আছে। সুস্মবতন থেকেও তোমরা দেখো - দেব, দেবীর মন্দিরের সামনেও অনেক মেলা বসে। কিন্তু জগদম্মা তো একজনই। তাঁর ছবিও একটাই হওয়া চাই। তোমরা মাম্মাকেও দেখো। তোমাদের বাচ্চাদেরও অনেক ছবি আছে। যার নাম রাখা হয়েছেঅধর কুমারী। তোমরা জানো যে এই অধর কুমারী তোমরাই হও। তোমরা সবাই হলে ব্রহ্মা কুমার, কুমারী। যারা যুগল অর্থাৎ স্বামী - স্ত্রী হয়, তারাও বলে যেআমরাও ব্রহ্মাকুমার, কুমারী। তোমাদেরই পরে স্মরণ হয়। বরাবর তোমরাই এই জ্ঞান সবাইকে দিয়ে আসছো, যার নমুনা অর্থসহিত দিলওয়ারা মন্দিরে দেখানো হয়েছে। এই সমস্তকিছু তোমরাই বুঝিয়ে বলতে পারো। তোমরা জানো যে, তোমরা এখন এই সত্যযুগের স্থাপন কার্য করছো, এই রাজযোগের সাহায্যে বাবার শ্রীমতে চলে এই ভারতকে স্বর্গ বানানোর কাজ করছো। আচ্ছা।

মিষ্টি - মিষ্টি হারানিধি / সিকিলধে বাচ্চাদের প্রতি মাতা - পিতা, বাপদাদার স্মরণ, ভালোবাসা আর সুপ্রভাত। রুহানি বাবার রুহানি বাচ্চাদের নমস্কার।

ধারণার জন্য মুখ্য সার :-

১. জ্ঞান এবং যোগের উপর পুরো মনোযোগ দাও। শোনার সময় খুবই শান্ত এবং একাগ্রচিত্ত হয়ে বসো। তোমাদের কর্মযোগীও হতে হবে।

২. বাবা তোমাদের যে ঘর বা পরমধামের পথ দেখিয়েছেন, তা সবাইকে জানাতে হবে। স্বদর্শন চক্রধারী হওয়ার সঙ্গে সঙ্গে জ্ঞান শব্দও তোমাদেরই বাজাতে হবে।

বরদান :- সমস্ত দায়িত্ব সামলানোর সঙ্গে সঙ্গে আকারী আর নিরাকারী স্থিতির অভ্যাসের দ্বারা সাফাত্কারমূর্ত হও ।

যেভাবে ব্রহ্মাবাবা সাকার রূপে থেকে এতাবড় দায়িত্ব সামলানোর সঙ্গে সঙ্গে আকারী আর নিরাকারী স্থিতির অনুভব করাতেন, এমনভাবে তোমরাও বাবাকে অনুসরণ করো । সাকার রূপে সবাইকে ফরিস্তার অনুভূতি করাও । কেউ যদি তোমাদেরই সামনে অশান্ত, অস্থির আর ভয় পেয়ে আসে, তোমাদেরই একটি দৃষ্টি, বৃত্তি আর স্মৃতির শক্তি যেন তাদের পুরোপুরি শান্ত করে দেয় । তারা ব্যক্ত ভাবে আসবে আর তোমাদের থেকে অব্যক্ত স্থিতির অনুভব করবে, তখনই তোমাদেরই সাফাত্কারমূর্ত বলা হবে ।

স্লোগান :- যাদের মধ্যে সত্যিকারের দয়া আর ক্ষমতাব থাকে তাদের দেহ বা দেহ - অভিমানের কোনো আকর্ষণ থাকে না ।